



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 六二三

齊莊中正堂詩鈔十七卷首一卷齊莊中正堂律賦六卷

齊莊中正堂試帖八卷 殷兆鏞撰

一

文靖公詩鈔八卷（典試浙江記程草一卷浙省還轅紀游草一卷
奉使三音諾彥記程草一卷塞上吟一卷吟梅閣試帖詩存二卷

自怡悅齋試帖詩存二卷） 寶 鋆撰

四一三

文靖公遺集十二卷補遺一卷 寶 鋆撰

五〇九

籀雲書屋詩鈔六卷 鍾 景撰

六五九

品莊中正堂

集

光緒己卯初夏
丰恩第董恂



鷺湖五翰
林家藏版



題

譜經先生齊莊中正堂詩鈔十五卷即以送別

儻然初服覓蓬邱珍重臨歧一帙留道貌圖陪黃髮叟

謂模菴詩懷人擬白蘇州香山句新排

鶴蘂三天路花柳鶯湖二品樓宋王易簡致仕構從此

蕭齋閒憶際辭林文囿儘心游

芸護蘭熏卷軸開

五朝世運總詩材迴瀾有志君偏老擲地我我不才

齊莊中正堂

卷首

集中附拙吳郡遊蹤誰共賞潞河往事尙朱文

致仕後欲歸未果余僅於潞河舟次一奠輕舟一葉江

較之送別先生連番詩酒哀樂懸絕矣

醇親王呈稿



敬題

譜經師傳大著

卅載追隨硯席邊久欽音律邁唐賢人從楮墨窺奇抱
地向蓬壺證夙緣著作雄才傾八斗風流碩望重

三天歸囊攜得新詩去應與琴書共一船

受業奕詳

又

鴻編捧讀重琳瑯儼侍

經帷仰霽光忠孝性情持正論文章聲價播殊方千秋
鉅筆精神健一代通儒翰墨香未許時流奪目眼錦囊

齊莊中正堂

卷首

二

收取壓歸裝

受業奕謨

譜經師傳大著

受業奕謨敬題

齊莊中正堂

卷首

三



贊

我與先生忝為相知先生可

傳豈系乎詩憂世猶多故忤人

諒勿欺緊磊落光明之緊絕依連

隱約之辭一生率性兩字盡微意

非難進易退之素節不足稱

天家冊載之賢師

醇親王謹題



題小清涼界圖

惇親王

紫雲香雪壓成堆仙侶時吟坐綠苔爲愛晴牕頻問字
金釐退直寫圖來

恭親王

六月日長如小年溽暑隆熾曦景延林間聒耳亂鳴蟬
炎辰赫赫腸似煎披圖眼底發雲煙頓覺涼生几席前
清風颯爽來冷然別有人間一洞天

上林里諺東南偏澄懷園依扇湖邊樓臺近與紫微連
澄懷園內有樓額曰山石嶽岑水漪連松陰羈縻護清
近光成哲親王所書

齊莊中正堂

卷首

四

泉苒苒香風翻碧蓮瀛洲雅會集詩仙小清涼界舊名
傳盡書鳥篆青瑤鐫吟風弄月想前賢已從舊夢結勝
緣竭來潑墨壁金箋腕弱詎稱珠斗懸今春譜經索書
小清涼界四字
以補五兄揮毫寫清妍小圖一幅點染鮮空階雨過破
苔錢當牖紅蕉門便娟香茵鋪地草絲芊森森樹老古
藤纏寂寂全無俗累牽怡情飛躍有魚鳶瀟灑臨溪屋
數椽綠牕夜月聳吟肩小齋高卧枕雲眠心境卽此會
真詮爲君寫作逍遙篇

恭親王

別有瀛洲地枝棲傍萬年樓懸青漢額澄懷園內有康熙朝御書

翠青漢四人集玉堂仙圖爲康熙朝索額圖所居至雍
字扁額

秋菊籬邊綻枯藤石畔綠題詩慚句拙勉賦柏梁篇

嘉樹繞庭栽青青砌點苔清風生曲榭涼月映平臺雲
屋三椽靜山屏四面開綠波消夏處時有淨香來

澄懷得勝槩茵苔徧晴湖峯遠松如畫池平水似鋪雲

深知地迴心靜與天徒祇爲看山色開牕紙不糊

去歲結鄰牆譜經先生曾做居祁春浦相國
園寓距余朗潤園不過數武詩人翰墨

香性耽山水趣機共鸞鷗忘地接蓬壺近

恩延

聖澤長和鈴趨

齊莊中正堂

卷首

五

關早遙聽韻央央

醇親王

澄園小築放清涼退直歸來幾夕陽藤架壓簷晴晝永

荷池遶屋晚風香圖仍十友文星聚杜文正公有澄懷
十友圖今入直雨

書房諸先生亦
符十友之數簪盞

三天化日長舊夢當年憑記取分明家住白鷗鄉先生
少時

夢人引至一處謂他日當
來主此今直臨風景宛然

題讀書修史圖

恭親王

譜經先生南董倚漆書嶠簡胸中收灑然落筆輕千秋

有時論事張兩眸滿堂滿谷聲無休敝車逐日東華遊
一羸一僕行夷猶步登琳館懷鉛油八書十表同時修
渾渾噩噩追商周讐訛直如尋寇仇金銀杖杜窮殫搜
援據典確折輩流如鑒照物射貫侯退食一編時吟謳
整襟危坐常科頭三毫添頰圖書留猶看雙袖鑪煙浮
題煙波釣廬讀書圖

醇親王

九重天上瀛洲客四十年前玉樹姿性澹身原隱煙水
時艱名遂播華夷欣瞻潞國留鴻雪忍憶澱園侍

鳳池觸撥豈徒陳迹感後生華髮已如斯作圖越七年而余始生

齊莊中正堂

卷首

六

題前形後貌圖係二十四歲七十歲合裝小景

醇親王

前年題君像煙波釣廬讀書圖丰采瞻綢煥今年題君像姿態

忽弱冠人生最不憚無過老大悲似此一回相見一回

少能不撫卷咄咄驚離奇不惟識君貌兼涉君林泉髣

髴我前身有此未了緣亦知玉貌芳園倏忽成泡影園煥

於兵試思洪荒以來何事非雲煙獨餘海鶴姿是君現

在身故貌儼杖履正色想縵紳窺君裝圖意此意我能

知今昔感慨外敢請進一詞自古懷才人每歎凋謝早

不見賈長沙浮生殊草草君有憂世心天亦報施好初

予美少年終許幡然老使我後生輩驚拜頌壽考獨惜
當日題詠諸公安在哉空勞相期相助塵懷抱更有詩
外意欲言還遠巡爽朗一傾吐君能知我真丈夫立塵
世所貴能建樹道之行不行此權人難主君才足應變
款惻心誠苦發爲定羌策曾達

天尺五錯愕動權奸流傳駭戎虜他事不勝書卽此足
千古方今岳牧良蔚起多翹楚矧屆杖朝年止足義堪
取必欲鍊盡頑石願始償祇恐女媧忙煞天難補

謨公

開卷驚看莫定疑鬚眉裙屐各清奇久膺鶴算神逾王

齊莊中正堂

卷首

七

思靖鯨波志未衰我自髫齡陪杖履謨六歲入書房卽從授讀上公

應上壽到期頤歸心暗逐梅花發待買名山隱便遲自題

有行賦遂初句

劫後亭臺蔓草荒那堪回首少年場事如噩夢空追憶

人悟浮雲想退藏陳迹無聊存綠野故園有恨奈紅羊

庚申之變高研早識于子樂敢誦黃庭內景章

題讀書修史圖

潘祖蔭 百字令

先公桃李數先生樸學炊經酌史獻賦明光推巨手朝
罷焚膏繼晷楚水征軺秦關使節望更

三天偉亭疑傳古卽今定國堪比 記從弱冠瞻韓龍
門捧檣青眼殷勤意風雨

慕陵遺烈纂追逐東華塵轡鎖院論文澄園對宇合有
前緣繫千秋金鑑知公心在匡濟

題皖江送別圖

英 翰

齊莊中正堂

卷首

八

大江東去一颿高曉日瞳瞳映錦袍隔岸好山迎畫鷁
連宵歸夢上金鼇漢廷議禮虛前席皖國瀕行憶贈刀
聖主臨軒如下問小臣無狀忝旌旄

師儒宿望重三清斷刺牽裾力諫爭眉壽期同周柱史
口碑傳遍魯諸生頻罹危險驚身在庚申辛酉試聽雲

霄曳履聲敢道江湖懷

魏闕仗公巨手報

昇平

王思沂

走馬長安十六年閒曹久仰玉堂仙一從皖水來聽鼓

便上龍門願執鞭品望羣推房杜並文章直軼漢唐前
春風桃李資噓拂忽報蜬旌指日旋

江波渺渺雪霏霏拜送星軺四牡駢琴鶴爭看行篋儉
菰鱸漫戀故鄉肥立

朝欬唾驚中外憂世心情繫溺饑

聖主念臣三載別早開黃閣待公歸

題煙波釣廬讀書圖

張凱嵩

汪汪卅六陂清流匯具區公昔廬其間劬書味道腴仙
人五雲端遺以明月珠從容斂絲緡高步凌天衢

齊莊中正堂

卷首

九

帝待作鹽梅曷敢思尊鱸士賴作津梁曷忍遺珊瑚民
望作霖雨曷可狎鷗鳬鼎鼎四十年賢勞霜在鬚重望
安地軸正氣懾天吳竭來睇八荒滿地紛江湖南海聚
鯨鯢北山嘯虎羆何以共歲寒高歌望吾徒

有徒楚江濱解組事畊釣側身望桂林閒情付長嘯食
飽武昌魚夢穩郎官權有書授兒曹無字溷樞要雲鳥

謝高騫蠻觸任擗剝昨者

金門開仰見

天章耀

溫綸賁邱園靈氛符杯琰醇醇

君師恩百身匪能報感此卸荷衣黽勉起

徵召甯辭山靈嘲大懼樵夫笑回憶黃鵠磯中懷自嗟
悼顧此忘筌意祇堪喻同調

日本使臣竹添光鴻

白鬼耽耽口垂涎欲使中州汚腥羶老成憂

國殷公在抗論夷務中外傳吾在東海讀公疏未識公
面知公賢今年來作燕京客執贄得訂文字緣齊莊中

正

帝褒許啓沃

君德侍講筵示吾釣廬圖一幅圖中有人對簡編縱使

齊莊中正堂

卷首

十

富貴同敝屣天降異材豈偶然憂樂應與天下共煙波
不到

魏闕邊鳴呼石可鍊兮極可立

景山佳氣方衝天釣魚孰與斬鼇好願公勿賦歸來篇

日本使臣田邊太一

萬言策上當年走卒皆知司馬

主眷民望方殷未許沙鷗結社

不免繫情邱壑高人風趣宜然坐對生綃一幅荷香水

色柳煙

左宗棠

歲晏日歸歸未得湘村付與老農居余四十年前自掀
號湘上農人
髯一笑輸公健植杖鶯湖到舊廬

送譜經夫子致政南旋

費延釐

數歷清華四十年

詔書今許賦歸田紀

恩前席

三天近放溜長河一葉便尚有隱憂關

社稷豈容初志負林泉千秋祖帳羸疏傳攜得間平倡

和篇集中多與諸藩邸倡
和之作近有詩送行

齊莊中正堂

卷首

十一

先帝能容謇謬臣青蒲涕泣諫書陳爲民請命言招忌
請停止釐捐裁革江蘇
海運漕糧津貼等疏 尊

主攘夷議獨伸當代歐陽明鑑別晚年潞國富精神者

儒清望

中朝重不數王商一輩人謂前年日本
使臣請調事

卜居臨頓足徜徉皮陸詩人漫較量地接吳江新別業

天留魯國老靈光禮堂著作傳家學洛社衣冠式故鄉

鄰里聚觀誇雙鏤當年鳴鳳翽朝陽

小子從遊記淀園咸豐戊午延釐始
謁師於澄懷園 廿年侍坐得春溫

乘風無奈催津鼓立雪還期倒酒尊笠澤扁舟遲我刺

分湖古誼賴公敦都門邑館爲先賢陸朗夫中丞創建
語切憊倦別意渾無限目送雲帆直到門

齊莊中正堂

卷首

主

齊莊中正堂詩鈔序

譜經宗伯致政南歸手一編見示曰此余生平詩稿也
子知我者盍爲我序之余陋且拙於世俗風雲月露之
詞概無所快意烏能序人之詩第念與宗伯交垂三十
年深悉其節行固意其爲詩必異於當世所謂律偶聲
病者乃轉樂藉以發余之意夫詩者何忠孝而已矣吾
人論詩宜折衷孔子孔子嘗曰興於詩又嘗以興觀羣
怨詒詩而極之事父事君豈聖人故爲高論哉誠以詩
本性情人苟至性肫然則一話一言皆堪不朽十五國
風正變各殊大抵皆忠臣孝子發於天性之纏綿雖姓

齊莊中正堂

卷首

三

字閔如百世後讀者猶爲奮起漢魏以下詩人惟杜陵
卓然以詩聖名豈不以其流離患難一飯未嘗忘君爲
蘊於天性者深耶他若香山玉局皆得性情之正故其
感人往往在聲韻外觀於此而聖言可證卽益知風雲
月露之不足言詩矣宗伯夙以文章氣節荷

顯廟知嘗

賜額褒獎曰齊莊中正曰九如天保曰桂林一枝咸豐
末造抗權臣排和議諫

幸木蘭屢瀕於危不悔會奉諱南奔服闋還

朝仍入

上齋與余同直復抱鵠原痛爲余言輒嗚咽不自禁天性肫摯至老彌篤比歲偕余修

穆宗實錄壘主京兆試領秩宗年益高憂

國愈益殷讜論數陳不隨俗俯仰而其先制夷諸疏東西洋至重金購得之轉相傳誦比諸林文忠彼國主命訪爵里年貌使臣爭欲近接丰采以爲榮幸

朝廷實隱賴焉他疏之關繫民瘼

國計雖惡其害已者多方中傷而先後

諭旨邀

聖明特鑒卒見施行綜其犖犖大節初何必藉詩以傳

齊莊中正堂

卷首

古

然卽以詩言亦登前賢之室而深合聖人之垂教者其人爲忠孝之人卽其詩爲忠孝之詩孔子所謂興者此也此豈風雲月露之流所敢希其萬一者乎宗伯忠愛本懷攬余斯論必益觸其戀

闕之忱黯然而不能止又嘗讀魏敏果復阮亭書曰於論詩之中見吾儒不欺之學余稔知宗伯造次顛沛出處去留必軌於正非肯作世故周旋者故本所聞諸聖言而不輕爲人言者一傾寫焉以表宗伯之眞卽以此不序之序爲之序焉可也至詩之敦厚婉篤得三百篇遺響非唐宋後所能幾在宗伯猶爲餘事耳不具論光

緒八年壬午六月後學徐桐謹敘

齊莊中正堂

卷首

五

齊莊中正堂詩鈔跋

丙辰禮闈崇爲譜經夫子所取士夫子以詩教獎掖後進妮妮不倦今年夏致仕歸吳瀕行出示巨帙其所著制義律賦試帖已有序而詩序尙闕如崇謹案

本朝吳中詩人膺大名沐

寵遇享遐齡莫如長洲沈文愨公公以詩受知

高宗仕至禮部侍郎

上書房行走七旬有七告歸優游林下與

九重往復賡和者又二十年

賜詩賜序賜額疊晉階銜圖形內府於虜盛已我夫子

齊莊中正堂

卷首

十六

歷

四朝五部久直

三天丰采嚴憚

顯皇帝召對必移晷與諸王語嘗呼譜經字集中於唐

賢所謂應制體者矢音遂歌一出以春容和雅生平走

蕩節持文衡南泝荆湘西指秦隴東攬甌越最後視學

皖江中更多難感時撫事又未嘗不慷慨激昂作聞雞

擊楫聲也晚典京兆試者三

殿廷閱卷靡役不與士流景仰

當宁倚爲金鑑每晝接

命內監掖扶逢大會議立藁識者推服

列聖禮遇之優體恤之微略同文愨孫亦

特賜舉人其歸也爵里年齒若合符節醇邸惠邸謨公

促鐫是編餞飲題贈繪樸庵留別圖互藏一燈醇邸有

輕舟一葉江千里定寄瑤章次第來之約又日本琉球

嘗以金餅購歸愚集今東西洋爭傳我夫子奏疏畫像

重譯執贄謂中國大有人在焉抑夫子遭世陽九封事

數十上多海內未見者古文辭其望梓行然則詩特夫

子之緒餘耳庶由此窺夫全豹哉受業烏拉喜崇阿謹

跋

齊莊中正堂

卷首

十七

醇邸賜札

譜經先生近況清吉中西紀事六本內載尊疏茲專弁呈閱卽請畱作東行輿中破悶之一助回京後見還是禱因書觸感不揣固陋將歷年論夷封事抄存底稿並封呈閱其第一疏

上齋諸先生尙有看過者餘惟遞摺後曾呈文端師閱看因措辭過激而痛被訓飭者有之因愚忱迫切而承謬贊者亦有之自今以往卽欲求吾師怒詬且不可得矣嗚呼痛哉謹繳大著并附呈庚午詩稿一本祈吟政之醇親王謹啓

齊莊中正堂

卷首

又

又

蒙題手卷感荷無旣昨日匆匆面謝爲禮儀所束未能暢敘別悵示函詢及近作緣自去冬抱病以來若歷夢境偶得一聯數語率多拋棄茲將三月間吟艸呈閱第格律本非所能又兼境遇如斯益多俚鄙哀感之語斧政是禱征輅將發言難盡意倚裝書此

又

拙作欣承鑒覈感甚詳繹海意凡語近自然及一得之愚率加批獎至於浮響俚詞雖未刪訂而不言之教已心領矣承示律詩並規茶果諸品次韻賦謝再呈教正

又

賦閒索居日以培花啜茶爲課兀坐晴牕正耽岑寂忽捧采雲並讀大箸兼拜珍珠嘉蔬之貺拙作謬承批獎許可外誤處并荷指示此等情意惟文端師傅在時有之然彼時以爲師弟常事無甚動念處今則振觸感慨不禁眼潤而鼻酸矣本當勉副尊屬於大集後妄綴數語第試帖詩一體尙稍解一二至於時文及賦則自幼迄長從未用功於其間心旣茫然筆何從落凡此不知爲不知之義諒蒙見原而不顧也佗日古今各體詩集刻成倘蒙示及雖土飯塵羹亦當勉湊數首附于題詞

齊莊中正堂

卷首

又

呈晒收是荷

又

甘澍初過畝蒸未減展惟福躬迪吉爲頌近聞盛名遠播東洋有竹添井井者執弟子禮甚恭筆談良久祈將談紙及彼詩草日記賜閱爲快

又

雨足新晴心目增爽默倚北窗聽竹間鳥聲格磔久之欲睡而瑤章適至朗吟一遍頓覺惺松竊喜康強迪吉用能興致勃然不減十年前也鄙意原欲再作一首僅

得前四句曰駭浪浮天日向東鯨吞鼉吼太匆匆各爭事業千秋外都在乾坤一氣中正思三聯俗尤來擾遂輟不續然比蠻參軍已加三倍矣一笑寔叟一編久不知失之何處諒喜觀此等書者必有心世道人也井井日記讀未完爲翁尙書借去返璧當多遲幾日也

又

筆談詩草讀訖拙作二截句已倩謨公代呈求政先繳筆談二紙及田邊信二件似宜裝治成卷畱爲佳話也詩艸日記容細讀續繳雨後園蔬頗蕃曉起手擷數種送博一粲鹿胎丸四袋牛骨髓二盃晒納是荷

齊莊中正堂

卷首

壬

又

小園花事闌珊無可破悶觀書之暇日坐綠陰課僮澆麥翦蔬以消長晝忽捧手書如親模範東洋刊本容日披讀承詢近作謹將刻存雜彙一帙呈正又前蒙批校拙作已裝成手卷檢查草本漏鈔盤山數首緣已將照冊呈閱是鈔現仍擬補錄續入卷內俟裝好送懇加批爲幸至近作殊愧寥寥容積至百餘首當錄以求教也惠貺食物設非標寫半不知名烹調之法無論已姑令庖人以意爲之聊供大嚼殊可哂也自種春麥一盒園中文官果三枚東省榆麝蛭肉各一器莞納是荷

又

不聆教言倏又逾月辰維起居迪吉爲頌爲慰日來園景蕭索慵於散步饕餮之餘惟以焙茶澆梅爲課午牕獨坐正耽岑寂忽捧朶雲如親渠範一時數省之珍味左右紛陳兩國之名言後先輝映令人有應接不暇之勢謹閱尊照計彼時某尙未生慨居諸之迅速驚世事之變遷憮然者久之承屬題詞自當勉副雅意第著糞續貂之譏定不免耳猩唇鯨子鯨骨鹿胎晒收是荷附梅茗一榼雪一壺壺名多木乃滿洲宴客盛乳茶者再前聞大著已檢校待刊倘鈔成底本祈先賜讀爲快

齊莊中正堂

卷首

壬

又

土產甫呈旋惠珍味不禁尊鱸之感悠然生矣此覆並申謝悃附呈丸藥一方常饌數色園蔬一擔東省食品三匣晒收是荷

又

長星忽現致煩慈懷未悉占驗若何殊深杞憂也先生有所聞否望示知之適蒙皇太后賜有饌數器謹分呈左右一嘗仙廚之味家藏霜菰附呈封雨後溫泉藕適來并希哂

納詩稿呈政賜和是禱

又

日前於韜庵得觀尊照私擬一詩未敢呈政茲承屬題
卽當錄於卷尾但佛頭著糞爲報耳接讀示牋適在豆
棚下課僮澆樹謹摘園果扁豆四種伴函殊慙簡褻照
冊容日奉繳再二萼已隱聞諸總署云據西人測度尙
有一萼未出或譚語耳

又

昨錄拙詩已承青及某本不會作字自往歲墮馬傷臂
益難執筆加以矜持愈覺不堪其詩中語意亦復俚鄙

齊莊中正堂

卷首

三

可笑誠以自童年聆教形迹久忘不必藏拙亦無所避
忌耳乃手書獎借過情赧顏奚似細雨敲階兀坐無事
藉讀大疏消去一晌閒晷而不知夕陽之久露也稿內
極關緊要各件自應傳爲世寶後人必有采而輯之者
似乎不須刊自賢裔轉滋口實會銜各件似可從刪內
有出自手訂者亦可存也鄙意如此尊裁若何至稿中
所謂積弱之餘萬難發憤二語爲中國受病鐵案讀之
不禁拊膺扼腕故態復萌矣

又

道中數詩倩謨公代鈔呈政祈勿與外人道及致貽笑

大方是所切禱此啟卽候健安歸途在立冬後熱極必
寒諸望珍攝

又

一昨趨陪杖履未具杯盤簡褻赧甚驟風變燠爲寒途
中布幕單薄諸望加意日前惠卽昆季來視獲讀大著
酣吟莫能釋手擬攜之就道其消岑寂遲繳幸營諒之
附具銀杏娑羅子乳餅橄欖昔營壙於妙高峰下壙後
古銀杏一株可五人合抱載在日下舊聞蓋金朝物也
娑羅亦峰下老樹二種倘蒙回京後貺以詩章當泐石
山下以光林壑獲賜多矣

齊莊中正堂

卷首

三

又

不聆教言俟已卅月雪後益寒入直宣勤諸望加意調
攝承代撰壽聯擬用第一副久未申謝殊慚疏略日前
赴海淀校閱軍旅遂取道磨石口入山四十里至恪靖
營修壩淤田處周歷一番王德榜請看轟山取石允之
水勢之澎湃石聲之訇稜洵奇觀也歸來友人送南方
食物數色擇出龍眼膏土蚨浙肉橙子四種奉佐饕餮
哂納是荷

又

大著恢宏典雅珍品新穎芬馨以此消閒快何如之口

前邀左相來邸用西法照竝坐小像繫以七律一首未
使彼知謹抄呈粲削俾可存稿東菱鹿尾黃米糖山麋
山雞冰鴨冰魚鱖鯉魚野豬滴蝦小菜附呈

又

手鈔大作三分已分致珍藏旋惠食品瓶葺感謝無既
昨价回又奉到大稿讀之增愧書房舊例師弟之禮最
重陪游侍坐正恐簡褻乃荷謙光大度益覺古道照人
矣日來炎歎可厭諸望願養勿做勞神費心事稍爽當
趨聆教言也先此申謝

坤甯宮祭肉兩方附去

齊莊中正堂

卷首

言

又

未到三庚已有酷暑光景昨夕密雲不雨尤爲可惜比
維頤養沖和爲慰子青先生惠扇一柄高年筆墨鴻雪
堪珍敢懇於背面手書數語爲臨別良箴之贈更足傳
爲世寶矣字要少而艸語要苦而切再拙作期字韻一
首惠邸昆仲亦擬步和俟做成當與小詩另錄一分送
覽與照像裝爲一幀或冊數頁以大作圖記冠之亦佳
話也

又

惠書紉弱如獲奇珍第語意無一敢當期許勢在必負

爲媿耳大稿拜領序須學古文體裁恐貽畫虎之誚仍
藉韻語藏拙祈見原而斧削之切禱切禱堂額容日報
命惠邸昆季亦屬其做題詞矣甘澍優霑熱仍未退蓋
雨意猶酣也炎蒸困人起居諸望加愼

又

東朝恩賜克食謹分五器送嘗小詩昨已呈電務祈痛
改再付剞劂茲送去印章望並刻之

又

像贊一經教正頓改舊觀已倩心泉代書正本矣內惟
憂世一聯尙嫌太露復改爲憂世世猶多故忤人人諒

齊莊中正堂

卷首

圭

勿欺譬之於石愈點愈頑雖回道入亦無如之何耳阿
呵此覆並送去

內藥房暑藥三種

又

小詩另錄僅較草稿稍清楚耳寫作俱劣限於天分不
能強亦不必強特以三十年來情誼肫摯姑畱雪鴻不
能自己也炎蒸船中尤慙盍緩行期多作幾次暢談乎

又

溼蒸未減雨意猶酣比維起居暢適爲頌代件已就謹
印圖章四分請擇似乎大者稍眞第彼昆季之題詞竟

如官場因循之風氣奈何行當再促之也承惠食品西瓜滌暑醃菰蜜瓜益胃而佛手又與肝氣爲對症之藥飲啄小節乃關切至此誠當感而勿忘也

又

溽暑困人安居作何消遣念念前屬題堂額勉書應教第窘既早傷性復極懶終年不作一字草率亂塗只博一笑不可使棗梨負屈也期字韻勵齋昆仲已有和章祈一賜觀俾照其箋之大小另書拙詩備裝緣日前所呈係艸稿耳歸期諒過三庚如定有準日望先爲示知切禱切禱

齊莊中正堂

卷首

美

內廷祭肉一方小園蘋婆果十枚各種茶點二槃謹呈左右

又

適接手書悵然不忍數讀聞孟秋九日歸棹卽發現與兩弟商定前期攜載謝澤同往敬送少慰惜別之情然亦終莫能慰也此覆有點件函未識適口否東洋像傳觀者眾不奉繳矣

又

日前呈札已承清鑒歉然下懷至今未安乃覆書過謙無一語敢當勸誨之切益增愧悚某白處之難人知己

知而不能形諸楮墨此時承乏戎行仰慰慈念它日只有與本石居之一法理也亦勞也則努力愛景光之教有不終呼負負者耶本應躬往謝步第肝乍舒而氣益怯食量未減行當照常矣遣价代謝當邀啓恕附呈常饌聊佐晚餐此啟卽頌行旌康吉

又

光臨未晤益增慨歎然一別終不能免與其致高年屢屢愴懷反不若相左之爲愈也日前談次忘謝嘉肴之貺慢甚初八日炎氣太熾次早涼若深秋未卜貴恙腹瀉已痊否念念老人瀉燥均不相宜普洱茶加薑似可

齊莊中正堂

卷首

毛

頻服江程固屬慣經然午間之熱曉夜之寒甚於居陸且飯後無散步處尤虞停滯務望加意一切俾釋遠系也十九日錦旋諒在通州午餐已與兩弟商定遣護衛吉成等赴彼略備果肴代申餞意價已付給該鋪萬勿見卻此啟敬謝枉駕新刻近作附呈教正係自光緒紀元至去冬之詩其咸豐同治間諸作尙未刪妥容續寄茲附去

御筆壽字一張

御筆龍字一張人蔘一包燕窩一包午時茶一包普洱茶一元茶食六匣